

नर्हायमि॒वोवाच॑ न तदस्ति॒ यत्सृ॒ज्याना॑ ७ रा॒ष्ट्रं दु॒ष्टरी॒तोस्त॒द्य त॒थायं॑ चा॒क्र स्थ-
 प॒तिर्य॒ज्ञेऽकरि॑ति ॥ १३ ॥ उत्तरे॒ऽग्नौ प॑शुभिः पुरोडा॒शैः प॒योय॒द्देरि॑ति चरन्ति । य॒दु
 चान्य॒त्तेन॒ देवा॒नेव॒ तदे॒वलो॒के प्री॑णाति त॒ऽएनं॑ प्रीताः प्रीण॒त्यथो॑ दे॒वलोक॑मे॒व
 जय॑ति ॥ १४ ॥ द॒क्षिणे॒ऽग्नौ सु॒राग्र॒हान्जु॑ह्वति । द॒क्षिणे॒ऽग्नौ पा॑वयन्ति पवि॒त्राभि-
 स्त्रि॒षंयु॒क्ताभिः॑ पित॒रुने॒व तत्पि॒तृलो॒के प्री॑णाति त॒ऽएनं॑ प्रीताः प्रीण॒त्यथो॑ पि॒तृ-
 लोक॑मे॒व जय॑ति ॥ १५ ॥ स वा॒ऽएष॒ आ॒त्मैव॒ यत्सौ॒त्राम॑णी । त॒स्मात्सा नि॒रुक्ता
 नि॒रुक्तो॑ ह्या॒त्मा लो॒को व॒योधा॒स्तस्मा॒त्सोऽनि॒रुक्तो॑ऽनि॒रुक्तो॑ हि लो॒क आ॒त्मा
 वै य॒ज्ञस्य॑ सौ॒त्राम॑णी बा॒हूऽरे॒न्द्रश्च॒ वयो॒धाश्च॒ तद्य॒देता॒वभि॑तः पशू॒ भव॑तस्त॒स्मा-
 दि॒मावा॒त्मान॑म॒भितो॑ बा॒हू यथो॑ वै पशु॒रेवं॒ यूप॑स्त॒द्यदे॒त ७ सौ॒त्राम॑णिकं॒ यूप॑मे॒तौ
 यू॒पाव॑भि॒तो भ॒वत॑स्त॒स्मादि॒मावा॒त्मान॑म॒भितो॑ बा॒हू ॥ १६ ॥ ब्रा॒ह्मण॑म् ॥ ५ [१. ३.]
 ॥ चतु॑र्थः प्रपाठकः ॥ कण्डिकासंख्या ११२ ॥ नवमोऽध्यायः [८३.] ॥ ॥ अस्मि-
 न्काण्डे कण्डिकासंख्या ४५१ ॥ ॥

इति माध्यन्दिनीये शतपथब्राह्मणे मध्यमनाम द्वादशं काण्डं समाप्तम् ॥ १२ ॥ ॥

VARIOUS READINGS.

Adhyāya १. १. १ स॒स॒त्रि॒णः A. P. M (*). - २ ना॒नाकुर्या॑दु॒क्तो॒बुका॑ A. -
 ३ Read: तदो॒षधि॑भिः स॒न्धाति॑. - ६ ब्रा॒ह्मणा॑न्त॒ऽसि॒नं A. - १ ऽन्व॒थोद्गा॒त्रे सु॒-
 ब्र॒ह्म॒ण्यां दी॒क्षय॑ति त॒ ७ हि सो॒ wanting in A. - २. १ ऽग्नी॒षोमा॒भ्याशु॑वसथ॒म०

(*) Collated for me by my learned friend Dr. W. Pertsch, during his temporary stay in Oxford.